



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput IV. Etia[m] ijs perfecti sint, Passionis Christi memoriam, aut
devotam circa crucifixum occupationem, non esse omittendam.

[urn:nbn:de:hbz:466:1-47123](#)

ita si prius cum Mose, calceamenta de pedibus detraxeris; hoc est, si ad exemplar Iesu Christi crucifixi, diligenter te in studio propriæ abnegationis exercueris, si omnes carnales & terrenos affectus exueris; ut sic ad secretam Dei visionem admissus, coram igne illo consumente, puris vestigij & mundo corde possis assistere. Quanquam neque ei qui divinitatem ita de propinquo contempletur, deponendam omnem passionis Christi memoriam, fatis indicet species ipsa rubi, in quo sese Deus singulariter spectandum præbuit. Quid enim est rubus ardens in monte, nisi Dei filius spinis obsitus, & plagiis confectus, præ amore moriens in cruce? aut quid aliud fuit tota vita & passio Salvatoris, nisi incensus ardor amoris, in rubo perpetui doloris?

C A P U T IV.

Etiam ijs qui perfecti sint, passionis Christi memoriam, aut devotam circa Crucifixum occupationem non esse omittendam.

§. I.

Non omnes perfectos ad unionem mysticam vocari: & quos Deus vocat, non continuò ad summam sui contemplationem aut fruitionem admittere.

Hæc consideratio non unam continet nostri pronuntiationem.

In primis enim, (ut prædictimus, & observat Blosius aliquique Magistri spirituales, & tradit etiam nominatum S. Bernardus) non omnes, etiam qui perfectionem assecuti vi-
Serm. 31.
in Cant.
dean-

deantur h̄ic invitat Deus ad illam sui familiaritatem intimam, sed eam reservat alteri vitæ: ubi fideles illi Dei amici, eo perfectius beatiusque Deo fruentur, quod magis in vita exerciti probatique fuerint, & quod majori patientia, demissione, resignatione animi, in quemvis eventum atque o-

cursum, divinæ se subjecerint voluntati.
Paucos videlicet assumit Iesus, quos secum ducat in montem excelsum seorsum, ad arcanam magnitudinis & gloriæ suæ contemplationem. Sed omnes invitat ad jugum Calvariae, ad spectaculum atque consortium doloris & contemptus sui, ad illam probrosam atque cruentam, speciosi formâ præ filijs hominum, in virum dolorum, in vermem & opprobrium hominum, transfigurationem. Dicebat enim (ut disertè S. Lucas) ad omnes: *Si quis vult post me venire, abneget semetipsum, & tollat crucem suam quotidie, & sequatur me: utique ad montem Calvariae, quo nos ipse anteivit bajulans crucem.*

Prius illud suavius fortassis: at nobis plerumque posterius illud conducibilius est: ut proinde minus consulto, vel leviter gustata divinæ contemplationis dulcedine, continuo exclamemus cum Petro: *Domine, bonum est nos hic esse;* cùm potius nobis (nisi ad se nos Deus potentius trahat atque evocet) alibi scilicet tabernacula figenda sint: hoc est, (ut in loco cum S. Bonaventura dicemus) in plagis Christi crucifixi, atque potissimum in corde dilecti nostri vulnerati.

Deinde, ut Deus tibi gustum aliquem subinde tribuat intimæ suæ præsentia, & indicia præbeat futuræ aliquando majoris familiaritatis: non idcirco repente ad summa quæque te ingeres, sed veluti prius, circa sacram Christi Humanitatem exercebere, donec manifestius fiat, quid Deus in te denique molitur.

Nimi-

Nimirum velut in naturæ, ita & in gratiæ operibus, ad summa non nisi per media pervenitur. Multis gradibus ascenditur in templum Domini constructum in monte Moreia; id est, divinæ visionis seu contemplationis. Atque istuc cum evaseris, diu multumque occupandus es circa altare holocaustorum; jugulandi nempe omnes irrationalis affectus, detrahendæ pelles, seu veteris hominis exuviae; quidquid in te carnale & animale est, sacro illo igne absundum; priusquam accedas ad altare thymiamatis, ubi jam sinè ferro & sanguine, solis odorum vaporibus, hoc est amore puro, & liberi spiritus ac tranquillæ mentis ardoribus, Deo litetur.

Priùs cum Magdalena rigandi lacrymis pedes Domini, & unguento ungendi, quam cum Sponsa oris osculum affectandum; monente graviter S. Bernardo: non temere asurgendum ad os serenissimi Sponsi, sed ad pedes Domini jacendum, dum ad altiora invitemur. Et vetustius est S. Paulini monitum: *Pedibus Christi oscula casta figamus, ut mereamur à pedibus in caput surgere.* Quapropter subdit e loco S. Bernardus: *Nolo repente fieri summus, pauplatim proficere volo.* Et subinde: *Longus (inquit) saltus & arduus de pede ad os.* Illud nimirum subindicans, etiam postquam diutiùs ad pedes Domini, in contritione cordis & poenitentiæ luctu, jacuerimus, non continuò nobis aspirandū esse ad summum illud quocunque est [ut ipse ait] *summe dignationis & miræ suavitatis osculum:* sed intermedijs virtutis actibus & pietatis, operibus [donec nos Deus ad altiora evocaverit] cum patientia persistendum.

Cujus rei specimen habemus in B. Catharina Genuenisi: quam tametsi etiam penè infantem mirabiliter Deus per viam perfectionis deducere cœpisset, non tamen voluit, nisi quibusdam quasi gradibus ad amoris mystici perfectionem ascendere, & à complexu pedum Salvatoris, ad oris divini bea-

Serm. 3.
in Cant.

Ep. 4. ad
Sever.

beatum osculum pervenire. Nam, uti pluribus in ejus vita est proditum, postquam interiori Christi Domini crucem bajulantis, & sanguine undique manantis aspectu, ad Deum efficaciter conversa est; visa est sibi principio constitui ad Christi servatoris pedes sanctissimos, ad quos anni circiter spatium consistens, miris à Deo luminibus illustrabatur. Exinde altius in Crucifixum elevata, & secretas quasdam in eo divini amoris vias recognoscens (quod tres ipsos annos tenuit) dolore pariter atque amore consumebatur. Tum verò ad Christi pectus admissa, conspexit in illo sacratissimum cor Crucifixi, quod ei omnino ignitum apparebat, ita ut & ipsa ab eo videretur accendi. Postremò post plures hisce in studijs exactos annos, dulcissimo denique ac suavissimo Iesu Christi osculo dignata (quo mystica & suprema adhæsio, ac transformatio in ipsum Deum significatur) in ipsam abyssum Divinitatis immergi atque absorberi visa est; ita ut seipsum in illa perdens, dicere posset cum Apostolo: *Vivo autem jam non ego, &c.* His illa gradibus ad intimam illam cum ipso Deo adhæsionem, & nudum ac puri amoris perfectionem evecta est; sensim videlicet proficiens, & ipso progressu in sacris Iesu Christi membris oportunas sibi commorationes, & tanquam stationes inveniens.

Quæ tametsi à nobis ita dicuntur; nolim tamen quicquam in eum sensum accipiat, quasi ignorem, varias atque multiplices esse vias modisque divinæ sapientiæ; aut tanquam non possit velit que aliquando Deus, extra consuetum suæ providentiæ ordinem, aliquem repente ad perfectum amorem & mysticam (quam vocant) cum divino spiritu unionem adducere; sicut scriptum est: *Facile est in oculis Dei, subito honestare pauperem:* sed tantum quod viam Sanctorum regiam, certam, atque securam demonstremus; quam (uti patebit proximo capite) etiam ijsecuti sint, qui in

Eccles. 13.

in carne mortali tanquam Seraphini amore arserunt, & ad summum gradum divinæ contemplationis pervenerunt.

§. 2.

Actum intime contemplationis, nec perpetuum, nec diuturnum esse posse.

NEque omittendum videtur, quod non parùm facit ad rem præsentem: quos Dei bonitas illo perfectæ contemplationis dono dignatur, eos non assiduè in illo lumine divini vultus ambulare, aut in illud intrare quoties aut quamdiu libuerit. *Quis enim (inquit S. Bernardus) non dico continuè, sed vel aliquamdiu, dum in hoc corpore manet, lumine contemplationis fruatur?* Nempe spiritus, ut ubi vult spirat, ita quando vult, & quantum vult. Et licet nonnullis Sanctorum concessum fuisse sciamus; ut objecta sibi qualibet rerum divinarum specie, & ad minimum quasi divinæ gratiæ attractum, confessim raperentur in Deum; alijs autem, ut, cum clauso ostio cordis, & compressis omnibus animi sui motibus, se ad orandum in Dei conspectu compонerent (ut olim Elisæo contingebat, ad citharæ harmoniam, irruente in illum spiritu Domini) illico divina patenterunt: neque tamen in illis vehementior hic divinorum sensus consuérat, aut omnino poterat, esse perpetuus; Ut propterea quandoque Deum impensis rogarent, ut illam subtraheret cœlestis gratiæ divinæque dulcedinis copiam, quod ei continenda impares sentirent angustias cordis sui. Quod spectat & illud Gilleberti Abbatis: *Anima mea liquefacta est, deficiens à comprehensione, & non sufficiens ex vehementi & violenta dulcedine, persistere & morari in admiracione.* Atque istud quoque quod modò dixi, paucorum est. fit enim plerumque, ut (quod sermone quodam suspirans ajebat S. Bernardus) divinæ illius contemplationis ac fruitionis

*Serm. 51.
in Cant.*

*Serm. 44.
in Cant.*

*Serm. 23.
in Cant.*

tioris, sit rara hora, & parva mora; aut, ut alibi ait, ad tempus, & tempus modicum, velut in transitu, seu (uti loquitur S. Augustinus) superstrictum & raptim, & quadam quasi conruficatione luminis aeterni. Qui proinde etiam in libris Confessionum suarum, illum commemorans mentis excessum, quem inter loquendum de cœlesti gloria cum S. Matre sua expertus esset: appellat illum, momentum intelligentia, in quo modicè roto ictu cordis & rapidâ tantum cogitatione attigerit aeternam sapientiam: & postea agens de eo quod extremis animis experiretur, ita loquitur cum Deo suo: Ali quando intromittis me in affectum multum insitatum introrsum, ad nescio quam dulcedinem, que si perficiatur in me, nescio quid erit, quod vita ista non erit. Sed recido in hac eruminosis ponderibus, & resorbeor solitis, & teneor & multum fuso, &c. Hac Augustinus. Denique, ut ait Gillebertus supra: gaudium contemplationis est instar puneti.

Igitur neque qui perfecti sint, & dono etiam arcanæ contemplationis dignati, continuò amittent ex animo sacrae humanitatis Christi imaginem, aut à recolendis vita & passionis ejus mysterijs sibi prorsus cessandum existimabunt, sed huc revolventur, eaque se pascent commentacione, si quando à divinæ contemplationis sublimitate in seipso recident, & solitis curis atque ærumnis resorbebuntur. Nolenti quippe animo (inquit B. Gregorius agens de silentio contemplationis, quod in Apocalypsi dicitur factum quasi dimidiâ horâ) dum cogitationum tumultuosi strepitus se ingerunt, etiam sublimibus intendentem, rursus ad respicienda terrena, cordis oculum vehementer trahunt.

Quamlibet sublimè subiecti esse videamur, attenuem semper homines sumus, non mentes à corpore secretæ: & animus iste, quamdiu alligatus est corpori, non valet in rerum divinorum obtutu, & illâ quasi contemplationis acie diu confistere; sed sensim ad sibi familiares imagines, &

sensibus suis cognata visa revertitur: & quamlibet contrâ alioqui contenderis, remittit sese, & ipsâ etiam contentione languescit. Igitur his quasi adminiculis sustentanda est spiritus nostri infirmitas; & quadam exercitorum vicissitudine, tanquam flabello, identidem est excitanda & redac- cendenda nostra dovitio.

Esto, quando ita vis, instar candidæ ac perniciis colum- bæ, & libero volatu per auras excelsæ contemplationis eve- cta, æthere sublimi ac cœlo puriore fruere. Attamen ubi

Gen. 8.

Jerem. 48.

Cant. 5.

Ibidem.

summa quæque pennâ exultante pervolaveris, dulce erit de- nique reverti ad arcam humanitatis Christi; dulce habita- re in petra, & nidificare in summo ore foraminis, hoc est in vulnibus Salvatoris; dulce erit, interdum degere & ge- mere super rivulos aquarum, hoc est lacrymarum ex oculis Christi profluentium; & residere juxta fluenta plenissima, hoc est juxta torrentes sanguinis ex ejus plagis, & potissim- um ex aperto latere, largiter scaturientis.

Neque verò Sponsa illa de Canticis (quæ animæ con- templatricis typus est) præsentem semper habet dilectum; sed subinde querit, & non invenit, & vagatur exquires si- qua ejus deprehendat vestigia, ignorans ubi pascat, ubi cu- bet in meridiæ, & nunc à custodibus Civitatis, nunc ab ado- lessentulis eum pariter amanib[us] ac sequentibus, num eum viderint, aut de eo aliquid auditione acceperint, sollicitius inquirens.

In illa igitur dilecti velut absentia, in hac desolatione spiritus, in ijs subtraetæ divinioris dulcedinis intervallis, quid restare censemus animæ Christum Iesum amanti; nisi ut in ejus sanctissima vita ac passione sese occupet, & (do- nec iterum videat faciem ejus in jubilo) complectatur sal- tem morientem in lectulo crucis, quem viventem in sinu Patris amplexari non datur, in lectulo sanctæ contempla- tionis? Et privata splendore divini vultus, humiliter sedeat

sub

sub umbra amabilis humanitatis ejus; sicut scriptum est:
Sub umbra illius quem desideraveram sedi, & fructus ejus dulcis gutturi meo? At de his haecenüs.

Veruntamen præterire non possum, magnam contemplatricem S. Teresiam, eo loco quem infrà laudabimus, conscientiæ suæ directorem expressissimis verbis admonere: ne viam aliam sectari velit, quantumvis se fortè inveiant insummo apice divinæ contemplationis: quoniam (ut subdit) ista pergitur viâ securè.

C A P U T V.

Quæ haecenüs à nobis demonstratas sunt, expressiori autoritate confirmantur.

Am verò ut doctrinam traditam confirmemus exemplis documentisque Sanctorum, paucos duntaxat è multis se ligam, & eos quidem quos alioqui constet, non tantum eximiâ virtute atq; excellenti sanctitate præditos, verùm etiam ad sublime quoddam contemplationis genus divinitus egestos fuisse.

§. I.

Quorundam sanctorum virorum eam in rem documenta & exempla.

Ordior à mellifluo S. Bernardo, qui in sua Cantici Cantorum explanatione, non uno loco id quod hic agimus tradit disertissimè. Nominatim autem sermone 43. ubi cùm Sponsæ consilium ac prudentiam collaudasset, quæ dilectum suum ut fasciculum myrræ complexa, eundem inter ubera sua collocet, ut nimirum assidue, tum in memoria, tum in ejus affectu commoretur; atque ad idem facien-